


經律異相

卷一

四百四十一
靈一

51087



Vertical text or stamp located below the watermark, possibly containing a date or reference number.

經律異相卷第一

并序

證

梁天監十五年沙門寶唱等奉勅撰

如來應跡投緣隨機闡教兼被龍鬼匪直天人化啓憍陳道終須跋文積巨萬簡累大千自西徂東老難得而究也若乃劉向校書玄言又蘊漢明感夢靈證彌彰自茲厥後翻譯相繼三藏奧典雖已略周九部雜言通未區集皇帝同契等覺比德徧知大弘經教並利法俗廣延博古旁採遺文於是散偈流章往往復出今之所獲蓋亦多矣聖旨以為像正浸末信樂彌衰文句浩漫甚能該洽以天監七年勅釋僧旻等備鈔衆典顯證深文



控會神宗辭略意曉於鑽求者已有太半之
益但希有異相猶散衆篇難聞秘說未加標
顯又以十五年勅寶唱鈔經律要事皆使
以類相從今覽者易了又勅新安寺釋僧豪
興皇寺釋法生等相助檢讀於是博綜經籍
搜採秘要上詢宸慮取則成規已爲五十卷
又目錄五卷分爲五表名爲經律異相將來
學者可不勞而博矣

天部上

三界諸天一

二界成壞二

劫之脩短三

日四

月五

星六

雷七

電八

雲九

風十

雨十一

三界諸天

一欲界二色

欲界六天一四天王二忉利三炎摩四兜率五化

樂六他化七魔天四天王居須彌四埵皆高四萬二

千由旬

大智論云須彌四邊有四山悉名遊軌隨
各高四萬二千由旬四天王治化其上

東

方天王名提頭賴吒城号上賢南方天王名毗

婁勒又城号善見西方天王名毗婁博义城号

周羅

或作周羅
未詳得失

北方天王名毗沙門凡住三

城一号可畏二名天敬三名衆歸四王身長
皆半由旬衣長一由旬廣半由旬其重二分
天壽五百歲少出多減以人間五十歲為天
一日一夜亦以三十日為一月十二月為一
歲也五百歲即人間九百萬歲也食淨端食洗浴衣服為
細滑食男娶女嫁身行陰陽一同人間以昔

三業善今生為天自然化現在天膝上形之

大小如人間兩歲別記去男坐父膝上兒生未

久便自知飢七寶妙器盛百味食若福多者

飯色自白若福中者飯色自青若福少者飯

色自赤見食消化化後若渴寶器甘露如食

之色飲不留停如蘇投火身體長大便與天

等入池沐浴詣香樹下枝條垂曲取香塗身
衣具莊嚴華鬘寶器果實樂器各有樹出徧
往詣之隨意所取樓炭經說大同入諸園林
無數天女鼓樂絃歌戲笑相向深生染著視
西急東當其戲樂忘其初生所念識知承先
世善得生天上樓炭經略同池沼清澄華果榮茂

其城七重皆廣六千由旬欄楯羅網宮墻行
樹皆悉七重毗沙門王常有五大鬼神一名
那闍婁二名檀陀羅三名醯摩跋陀四名提
偈羅五名修逸路摩常侍王側半月三齋八
日十四日十五日四天王常以八日勅諸使
者汝等察行世間觀察人民孝父母敬沙門

及婆羅門長老受持齋戒布施者不使者奉
教具啓善惡聞惡不悅言善則喜十四日四
王常遣太子案行天下十五日四王躬自履
歷然後詣善法殿具啓帝釋帝釋聞惡則愁
言善則樂說偈讚歎受持齋戒人與我同
行

出長阿含經第二十卷
又出大智度論婁炭經

忉利天居須彌山頂有三十三天宮王名釋

提桓因

梁言能
作天玉

身長一由旬衣長二由旬廣

一由旬衣重六銖壽天千歲少出多減若欲

終時有五相現一者衣裳垢膩二者頭上華

萎三者身體臭穢四者腋下汗流五者不樂

本座見五事時心大苦惱如地獄苦飲食嫁

娶猶如四天身體相近以氣成陰陽

三法度經云行

欲如人

以身口意善生切利天自然化現在

天膝上如三歲兒天即誌言是我男我女自

識前世布施持戒欲得飲食隨滿金器福有

深淺食有優降如四天王天城縱廣八萬由

旬婁炭經云廣長各三百二十萬里其城七重九百九十九

門門有六十青衣夜叉守之

長阿含經云高六十由旬相去

五由旬有一門門有五百鬼神守衛

三十三天金城銀門銀城

金門如是七寶牙為城門樓閣臺觀周匝圍

繞園林浴池寶華間雜寶樹行列華果繁茂

香風四起悅可人心異類奇鳥無數和鳴其

四園中各有二石墮各縱廣五十由旬七寶

所成軟若天衣

婁炭經說相
似文多不載

鹿澁園畫樂園

中間有難陀池縱廣百由旬其水清澄七重

寶塹生四種華青黃赤白紅縹雜色香氣普

薰聞一由旬根如車轂汁白如乳味甘如蜜

復有雜園大歡喜園中間有樹名晝度園七

由旬高百由旬枝葉四布五十由旬其香逆

風百由旬內忉利殿南又有一樹名波質拘

耆羅高四千里枝葉分布二千里風吹華香

逆風行聞二千里當樹華時諸天共坐樹下

以為歡樂經遊天一百二十日帝釋三十二

大臣故言三十三天也各有宮室皆在城內

遊戲園中必經七日鹿澁者入此園時身體

遊戲園中必經七日鹿澁者入此園時身體

鹿澁盡者入此園時身體自然種種盡色以

相悅樂雜者常以月八日十四日十五日放

諸姝女與諸天子雜遊獨與舍脂共在一處

名為雜大喜者入此園時心大歡喜出長阿含經第

二十卷又出婁炭

大智論華嚴涅槃

焰摩天第三

炎摩時善天宮殿為風輪所持在虛空中王

名善時大智論云妙善身長二由旬衣長四由旬廣

二由旬衣重三銖從樹而出明淨光曜有種

種色身體光明不須日月身口意善或以燈

燭明珠等施持戒禪定等業生炎摩天壽天

二千歲少出多減食飲婚娶愛欲猶如初利

天三法度經云以染著意相抱成初生之

欲若一不染著不成但歡樂耳

形如人間四歲初利光明所不能及

出長阿含經第

二十卷又出婁

炭大智論華嚴

兜率天第四

兜率

梁言知足

天宮風輪所持在虛空中王名善

喜後邊身菩薩多生此天下天放誕上天闍

鈍故生此天

大智論云下地結使厚濁上地

命長壽未盡佛復過去兜率天時命等故又

佛常居申道兜率身長四由旬衣長八由旬

廣四由旬衣重一銖半壽天四千歲少出多

減食同下天亦有嫁娶執手成欲其天初生

如人五歲自知前世所作布施持戒等事食

自然飲食衣冠歌舞身有光明勝於炎摩出

阿含經第二卷又出化樂天第五

華嚴涅槃大智論婁炭

化樂天宮亦為風輪所持在虛空中王名善

化自化五塵以自娛樂身長八由旬衣長十

六由旬廣八由旬衣重一銖壽天八千歲少

出多減食與下同亦有嫁娶熟相視成欲法

度經云以深染汙心與天女共語其天初生

如人六歲自有光明殊勝瓊率出長阿含經

出婁炭華嚴等經 他化自在天第六

他化自在天宮亦為風輪所持在虛空中王

名自在轉集他所化以自娛樂也又名愛身天

於欲界中獨得自在身長十六由旬衣長三

十二由旬廣十六由旬衣重半銖壽天萬六

千歲少出多減食如下天亦有婚姻暫視成

欲深染著相視成欲若一不染不成但樂如他人間相抱持耳如見其天初生如人七歲自

知宿命以布施持戒棄惡故自然飲食衣服

玉女事並同前光明全勝化樂出長阿含經第二卷又

出華嚴大智論婁炭 魔天第七

魔天宮在欲色二界中間魔者譬如石磨磨

壞功德也縱廣六千由旬宮墻七重一切莊

嚴猶如下天並有十法一者飛去無限數二

者飛來無限數三者去無礙四者來無礙五

者天身無有皮膚骨髓筋脉血肉六者身無

不淨大小便利七者身無疲極八者天女不

產九者天目不眴十者身隨意好青則青好

黃則黃好赤白衆色隨意而現此是天十法
又有持十事一者飛行無極二者往還無極
三者諸天無盜賊四者不相說身善自不說
况說他人惡五者無有相侵六者諸天齒等
而通七者髮紺青色滑澤長八丈八者天人
青色髮者身亦青色九者欲得白者身即白

色十者欲得黑色而身即黑出阿含經第二十八卷又出

又出婁炭經大智論

色界二十三天二

梵身一

梵輔二

梵衆三

天梵四

光五

少光六

無量光七

光音八

淨九

沙淨十

無量淨十一

徧淨十二

嚴飾十三

少嚴飾十四

無量嚴飾十五

嚴飾果實十六

無想十七

不煩十八

無熱十九

善見二十

大善見二十一

色究竟二十二

摩醯首羅二十三

梵身天宮純黃金身白銀色色界衣金色衣

行禪離欲修習火光三昧故身出妙光勝於

日月非男非女以禪悅為食壽命一劫或有

減者身長半由旬壽半劫出長阿含經

梵輔天數云富婁與前天同若修中禪是貴梵生

身長一由旬壽一劫出長阿含經

梵眾天與前天同若修下禪諸小梵生處身

長一由旬半壽一劫半出長阿含經

大梵天王名曰尸棄梁言與前天同若修上

禪則生此也於梵眾中發大音聲一切大眾
無不知者梵身諸天各自念言大梵天王唯
與我語不接餘人我自然得無所承受於千
世界最得自在富有豐饒能造化萬物我是
一切眾父母後來諸梵第一尊重顏如童
子名曰童子擎鷄持鈴捉赤幡騎孔雀初禪

名曰梵迦夷有宮去他化自在宮由旬一倍

出長阿含經第二卷華嚴婁炭大智論雜
心毗曇心云色界十七居止下三禪各有三
天四禪有九天應有十八謂初禪下天是諸
梵奴故不數也初禪無梵身二禪無光三禪

淨無

光天以禪味為食壽命二劫或有減者出長阿含

少光略與前同

出長阿含經第二卷略

無量光略與前同

出長阿含經第二卷依

光音天

依品云光耀天語

王名曰樂光

婁炭經云阿披波天菩薩

觀闍浮提鼻

穢惡氣上薰七千萬里是以菩薩不

生光音

長阿含經云天九百由旬遙聞鼻氣甚於廁溷

二禪通名光

音有宮去於梵迦夷宮由旬一倍

出長阿含

卷又出華嚴大智論菩薩處胎經

淨天以禪樂為食壽命三劫或有減者

出長阿含

經第二卷

少淨略與前同

出長阿含經第二卷依品

禪生是三淨天以少方便相應

應禪生少淨天受樂亦少

無量淨略與前同出長阿含經第二十卷依

遍淨天胡言韋細依此品云王名曰淨智

四臂捉貝持輪御金翅鳥三禪通名徧

淨亦名首陁斤有宮去於光音宮由旬

一倍出長阿含經第二十一卷又出婁炭大智論

嚴飾天以禪悅為食壽四萬劫或有減者長

阿含經第二十一卷

少嚴飾粗與前同出長阿含經第二十一卷

無量嚴飾粗與前同出長阿含經第二十一卷

嚴飾果實天王名曰法華光四禪通名果實

有宮去於徧淨宮由旬一倍出長阿含經第二十一卷又出華嚴

無想天樓炭經云以禪樂為食壽五百劫或

有減者猶色界數光明勝於果實外道謂為

涅槃

出長阿含經第二十卷依品云滅想生無想唯有色陰行陰少入生想便死

不煩天

長阿含經云無造

身長千由旬以禪

悅為食壽命千劫或有減者光明勝於無想

出長阿含經第二十卷

無熱天身長四千由旬細軟委地不能自立

若下見佛變為鹿形以禪為味天壽二千劫

或有減者光明勝於不煩

出長阿含經第二十卷

善見

華嚴云善現樓炭云須陀旃

身長四千由旬亦以禪

樂為食壽三千劫

三乘名數經云壽四千劫

或有減者光

明勝於無熱

出長阿含經第二十卷

大善見

華嚴云善見樓炭經云須弥尼

身長八千由旬亦

以禪樂為食壽命四千劫

三乘名數經云八千劫

或有

減者光明有勝善見

出長阿含經第二卷

經

色究竟天

華嚴經同樓炭

身長一萬六千由

旬亦以禪樂為食壽五千劫

三乘名數經云一萬六千劫

或有減者此五天通名淨居諸那含所止光

明最勝

出長阿含經第二十卷

摩醯首羅天

梁言大自在

又名淨居過五淨居而

有八處皆悉虛寂是十住大士之所住處法

雲菩薩多作此天王形有八臂三眼騎大白

牛大雲降雨雨大千界一切衆生無能知數

唯此天王獨能知之

涅槃經云如人供養摩醯首羅當知是人已供

養一切諸天樓炭經云光音天以上更無有王出大智論第二秩第二卷

無色四天第三一無量空入處二無量識入處

入處

無量空入處或云空處智天天壽萬劫或有

小減

出雜阿含經樓炭經云虛空智天

無量識入處或云識處智天天壽二萬一千

劫或復少減

出雜阿含經樓炭經云識知天

無所有入處或云無所有處智天或云不用

處有優蹋藍不受佛化而自命終佛記此人

生不用處若復捨身為邊地王傷害人民後

生地獄中天壽四萬二千劫或有小減

出長增一

二阿含經婁炭云阿竭若然天

非想非非想入處或云有想無想天有佛羅

勒迦藍不受佛化而取命終佛記當生有想
無想天於彼命終後當復為著翅惡狸飛行
走獸無脫之者命終生地獄中天壽八萬四
千劫或有小減出雜增一二阿舍經婁炭經
云上有天名無有非想思亦
有思想天凡諸天下名不博採諸有一
句二句異者多不能備其所出之經

二界成壞第二

三小災一

又名三小劫

三大災二

又名三大劫

三小災一

劫初時人壽四萬歲後轉減促止於百年漸

復不全乃至十歲

雜心同小劫經抄云十二餘歲

女生五月

皆已行嫁十歲之時謂三小劫一刀兵二飢

餓

長阿含經云穀貴

三疾病刀兵劫者人多貪鹿行

十惡法若行一善眾共形笑推以為愚爭共

凌滅相毀作惡無一善人五穀不生美味消

滅繒絹劫貝自然而盡但食穉稗織草為衣

七寶沉沒沙石充徧地生荆棘枝葉大小皆

是刀劍拱木倒壞地盡溝坑涌波崩岸江河

稍廣平地漸減刀兵一起經七日中手執草

木瓦石悉成刀劍更相劫奪慄慄恐懼但欲

相煞猶如獵師遇見羣鹿中有智者遠藏山

谷無人之處食果飲水以盡十年

長阿含云自存七日

更出人間相煞盡者生地獄中名刀兵劫飢餓劫

者人多非法愚癡邪見慳貪嫉妬守財不施

水旱不節田種無收米穀轉盡食粒驚貴掃
擇糝糠街巷落葉以自連命糝葉既盡穿鑿
地下食草木根不能與者在先而死剝剔死
人復共食散散之轉竭於屠煞之處乃至塚
間拾諸骸骨煮汁飲之以此自活飢死盡者
生餓鬼中名飢餓小劫

疾病劫者人皆正見修行十善疾病衆多無
他方計少有醫藥雖行衆善不能攘逆薄福
德故遇病輒死神共侵媯搥打杖捶使其心
亂接其精神煞之將去人命既終皆生天上
名疾病劫若能一日一夜持不煞戒終不生
刀兵劫中若以一呵梨勒果施僧終不生疾

疫劫中若一食施僧終不生飢饉劫中此間
浮提惡劫乎起餘方則少此間刀兵劫起彼
唯重瞋此疾疫劫起彼唯氣力羸劣此間飢
饉劫起彼但小渴乏耳出長阿含經第二十
二卷又出三小劫經
抄又出雜心
第十四卷
三大災二

天地始終謂之一劫劫盡壞時火災將起一
切民人皆背正向邪競行十惡天久不雨所
種不生諸水泉源乃至四大駛河皆悉枯竭
久久之後風入海底取日上大城郭於須彌

山邊置本道中

雜心曰劫滅之時有七日輪
住由軋陁山從彼而出又說

盼一日為七日也又說從一日出時百草樹

一日為七日也又說從

一日出時百草樹

木一時彫落二日出時四大海水從百由旬
乃至七百由旬內水自然涸三日出時四大
海水千由旬乃至七千由旬內水展轉消竭
四日出時四大海水深千由旬五日出時四
大海水縱餘七百由旬乃至竭盡六日出時
此地厚十六萬八千由旬皆悉烟出從須彌山
乃至三千大千刹土及八地獄靡不燒滅烟
燼無餘人民命終皆依須彌山五種諸天三
十三天炎天乃至他化自在天皆悉命終宮
殿皆空一切無常不得久住七日出時大地
須彌山漸漸崩壞百千由旬永無遺餘金銀
銅鐵之類皆悉流鑠稍就枯涸山皆洞燃諸

寶爆裂崩地碎礧烟炎震動至于梵天一切
惡道及阿修倫皆悉蕩盡罪終福至皆集第
十五天上十四以下盡成灰墨新生天子未
嘗見此普懷恐懼舊生天子各來慰勞勿生
恐怖終不至此人民命終生光音天以念為
食光明自照神足飛行或生他土若生地獄
地獄罪畢亦生天上若罪未畢復移他方無
日月星宿亦無晝夜唯有大冥謂之火劫火
災因緣果報致此壞敗劫欲成時火乃自滅
更起大雲漸降大雨滴如車輪是時此三千
大千刹土水徧其中乃至梵天

雜心曰水災所壞至第二

禪水從第三禪際雨熱謂為水劫水災復有
灰水又說水輪涌出也

四風持水不散一名住二曰助三曰不動四
曰堅經數千億萬歲水上泡沫化作千第十
四天宫皆悉衆寶水漸消滅隨嵐吹鼓次第
轉作天下諸天及日月宮殿次作千須彌等
山次第乃至千四天下地山河城池水上清
潔初作天宫衆寶所成光明最勝轉減轉濁

諸天宮殿七寶光明漸下漸劣地欲露時水
沙流急隨下爭赴遂成川河流入于海海深
八萬四千由旬其廣無邊

婁炭經云深八
百四十萬由旬須

彌山在於海中出海又八萬四千由旬水味
鹹苦劫初成時自然雲起至光音天周徧降
雨洗濯天宫滌蕩萬物諸不淨汁下流入海

今為鹹苦又有大仙人呪使鹹苦令人不飲

又有雜類衆生居之便利其中故成鹹苦謂

為風劫風災雜心云風災所壞至第三此三

及地為四災四劫除地餘三說為大劫過地

種劫者劫壞所及唯未曾至第四禪為淨居

天故無上地可生即於彼處涅槃亦不下生

非數滅故變成天地天地更始蕩蕩空虛了

無所有亦無日月地涌甘泉味如蘇蜜時光

音諸天或有福盡來生或樂觀新地性多輕

躁以指嘗之如是再三轉得其味食之不已

漸生麀肥失天妙色神足光明冥然大闇後

大黑風吹彼海水颯出日月置須彌邊安日

道中繞須彌山照四天下時諸人輩見出則
歡見入則懼自茲以後晝夜晦朔春秋歲數
忽然復始食之多者轉生醜顏食之少者尚
遺妙色羨惡好醜漸漸而生憍慢嫉妬次第
而起忿結諍競相續不絕甘泉自涸地上生
肥其味香美有若甘露時諸衆生復共食之
食之多者頓失威光體重骨食之少者身
輕無累尚能飛行重者見之皆大號哭稱我
窮厄住此世間是非諍訟倍劇前法資食地
肥相看顏色欲心多者變成女人共相愛著
遂行婬欲如是流布餘光音天見諸天子皆
悉墮落共來呵罵曰汝等何爲行不淨行地

肥轉入土中自生粳米鮮淨無皮既香且美
食者肥白朝採暮生人漸懈怠并取多日極
情恣欲無有時節女懷胎孕復生衆生餘人
見之即加驅擯遣出人外三月聽還知生慙
愧共作方宜取諸草木起立宮舍覆藏形體
使人不見習翫姪欲如是轉增多取糧粒以
爲資儲如是相斃粳米荒穢轉生糠糲刈已
不生衆生見此心大憂惱世有大災粳米復
不如本各自念言我本生時以念爲食神足
飛行光明自照住此懈怠乃至如今復相謂
言今共分地別立標幟封疆邊畔於是爲始
自藏已分竊他禾米米主見之曰今恕汝罪

後莫復爲如是轉多倍加呵責呵責不已以
手加之以告衆人云此人爲盜盜者又言此
人打我衆人見此憂愁不樂皆共集會議曰
衆生轉惡此是生老病死之原煩惱苦報墮
三惡道因有田地致此諍訟今者寧可共立
聰明高才一人爲主以法理之可護者護可
責者責應遣者遣當共集米以相供給選擇
賢明形體端正有威德者而語之曰汝爲我
等作平等主善言慰勞衆皆歡喜即共稱言
善哉大王即以正法治民名爲利利皆是舊
法後人侵他物者即取懲罰及重犯之便造
督遮鞭杖猶不能止又作牢獄刀仗等物考

梵然裁令懷畏懼時有一人念家多患猶如
毒刺棄捨妻兒獨處山林起立草菴靜攝其
志修習梵行名婆羅門後婆羅門有不樂閑
靜坐禪思惟者便入人間誦習爲業又自稱
言我是不禪人於是世人号之爲不禪婆羅
門時衆生中有人好營居業多積財寶名爲
居士又有多好機巧名首陀羅又有自厭世
法剃除鬚髮法服修道名曰沙門時人心懷
煞盜又失粳米立五種子一者根子二者葉
子三者華子四者果子五者莖生及餘種子
是謂五種之子皆是風吹他方利土種子來
濟此國衆生如此之瑞有生老病死有五盛

陰不盡苦際水劫末時光音諸天入水澡浴
四大精氣入其身內體生觸樂精流水中八
風吹盪墮淤泥中自然成卵經八千歲其卵
乃開生一女人其形青黑猶如淤泥有九百
九十九頭頭有千眼九百九十九口一口四
牙牙上出火狀如霹靂二十四手手中皆捉
一切武器其身高大如須彌山入大海中拍
水自樂有旋嵐風吹大海水水精入體即便
懷妊經八千歲然後生男身體高大四倍勝
母兒有九頭頭有千眼口中出火有九百九
十九手有八脚於海水中自号我是毗摩質
多羅阿修羅王唯敢淤泥及藕地劫初成變

易如是

出增一阿含經第三十二卷又出長

佛三昧經
第二卷

劫燒盡時一切皆空衆生福德因緣力故十

方風至風風相次能持大水有一千頭人

二千手足名為違細是人齋中生千葉金色

蓮華其光大明如萬日照華中有人結跏趺

坐此人復有無量光明名為梵天王正生八

子八子生天地人民是梵天王媼瞋已盡坐

蓮華上諸佛隨俗現寶蓮華上結跏趺坐說

六波羅蜜聞此法者必至阿耨多羅三藐三

菩提

出諸雜譬
喻第六卷

劫之脩短三

佛言設方百由旬城滿中芥子有長壽人百
歲取一芥子都盡劫猶不盡又如方百由旬
石持迦尸輕軟氎衣百年一拂此石脫盡劫
猶不盡謂之大劫也又言方一由旬高下亦
然鐵城滿中芥子百年取一盡為一劫又方
一由旬石山士夫以迦尸衣百年一拂拂之
不已石山銷盡劫猶未竟六十念中之一念
謂極小劫也

出大智論第三十六卷又出增
一阿含經第三十一卷又出第

二十八卷又出雜
阿含第三十四卷

日四

日城郭方正二千四十里其高亦然光射人
眼見之若圓宮城純金七寶瑩麗無諸瑕穢

爲五風所持一持二養三受四轉五調日王
座方二十里身出光明照耀宮殿宮殿之光
照於城郭城郭之光下臨下土無數天神前
後導從音樂自娛無有休息林觀浴池如忉
利天天壽五百歲子孫相襲以竟一劫日城
繞須彌山東方日出南方日中西方夜半北
方日入如是右旋更爲晝夜復有長短日行
稍南南方漸長經六十里一百八十日北方
稍短復行稍北北方稍長一百八十日南方
稍短

出長阿含經第二十
二卷又出婁炭經

月五

月城郭廣長一千九百六十里其高亦然儼

然方正遠見故圓二分天銀一分琉璃內外
清徹光明遠照為五風所持月王座方二十
里七寶宮殿無量天神光明伎樂前後導從
園池等玩如忉利天天壽五百歲子孫相襲
以竟一劫月有虧滿缺者一角行夜稍稍隱
側故見缺減又云月城邊有天其色正青衣

服亦青所在之面青光照城故缺減也滿者
月行稍轉向正又青色天十五日轉入月城與
王適會又須彌山南地有大樹樹名閻浮提
高四千里枝蔭二千里影現月中
出長阿含經第二十
二卷又阿修倫天王名羅呼其體高二萬八
出婁炭千里以月十五日立海中央海水裁至其齋

佞頭闕須彌羅寶泰山及四方上鎮以指覆
日月天下晦冥或覆日以晝為夜所謂日月
蝕時厄光明也

出婁炭經
第五卷

星六

星宿城郭天神之舍也以水精為城七寶為
宮懸在空中大風持之猶如浮雲隨日運行

為眼所見大者七百里中者五百里小者百
二十里宮室園池如四天王天壽命亦尔

出婁

炭經第六卷
又出長阿舍

雷七

虛空雲中有時地大與水相觸有時與火風
等大相觸水火風大更手相觸皆生虛空雲

中雷聲出長阿含經
第二十卷

電八

電有四種東方名身光南方名難毀西方名流炎北方名定明何以虛空雲中有此電光四方之電又共相觸有此光起出長阿含第

二十卷

雲九

雲有四種一白二黑三赤四紅白者地大偏多黑者水大偏多赤者火大偏多紅者風大偏多去地或十里或二十三十乃至四千里除劫初時上至光音天出長阿含經第二十卷雲有四色一青二赤三黃白四黑青者中有水界大

多赤者中有火界大多黃白者中有地界大多黑者中有風界大多

出婁炭經 第四卷

龍氣為雲

出長阿 含經

風十

世界壞時有大風起名曰壞散悉能吹壞摩滅大千世界金剛鐵圍山等一切萬物時大

千世界外復有風起名鄣壞散能隔風災得至餘方若無此鄣風十方無量阿僧祇世界無不散滅

出華嚴經 第三十卷

雨十一

相師占雨有五因緣不可定知使占者迷惑一者雲有雷電占謂當雨以火大多燒雲不

雨二者雲有雷電占亦謂雨有大風起吹雲
四散入諸山間三者雲有雷電占亦謂雨時
阿修羅攬採浮雲置大海中四者雲有雷電
占亦謂雨而雨師放誕姪亂竟不降雨五者
雲有雷電占亦謂雨而世間衆生非法縱湯
汚清淨行慳貪嫉妬所見顛倒故使天不降

雨以此五事相不定知

出長阿含經第二
十卷婁炭經同

阿

耨達龍王興大重雲滿閻浮提並降大雨百
穀草樹皆悉滋長江河川源一切盈滿此大
雨水從龍王身心中出而能饒益無量衆生
摩那斯龍王將欲降雨先興重雲彌覆虛空
慈悲心故凝停七日先令衆生究竟諸業漸

降微雨普潤大地出長阿舍經

經律異相卷第一

靈

闡昌演沮昨胡羗去良浩漫上胡道反反抄淺息

反該洽上古哀反反旻眉巾鈔楚教控

反苦貢鑽子官博綜下子規均反均彌袂褰字揣食

上音團華下莫攪班反攔楯上或反反蘭音庫

上呼六銖下音華萎下烏掖下上音誌音壘

七反紈紅縹下疋車轂下音瑕穢上音放誕下

但閻鈍下徒娛樂上音皮膚下音眴詩閏相

龍襲下音廁溷下胡韋細下女金翅下施粗古

反躡藍上徒玩愚貫斲胡教繒綃上自穉

稗上音帝下荆棘上音京下慄慄反力錦獵下音

反糝糠下音康穿齧昨下音剗剔下上苦胡反

攘而羊侵媯下音搥打瓜上反竹杖捶下委反

飢饉鎮下渠羸劣垂上力反駛河二上使史涸音鶴靡彼

反烟燼徐上煙字下流鑠若下詩爆烈上反必磕蓋苦

反慰勞聲下去滄字滴泡沫上音隨嵐合下反郎醜咸音

洗濯濁下音滌蕩的上徒盪音蕩輕躁到反則麓肥下

非凝停上陵反劇奇逆胎孕證下余驅擯反上丘下必

反刃蝕音食資儲除下音糠穢猛下俱刈反魚吠下慄

幟苗上必封疆下音懲罰澄上音督正音篤煞戮下音

六澡浴早上音霹靂下音反懷妊下而藕音

芥子上音疊衣上音瑩麗定上紆反

